



REVIZIJA UČINKA: PRAVNA ZAŠTITA U POSTUPCIMA JAVNIH NABAVKI PRED UREDOM ZA RAZMATRANJE ŽALBI BIH



OBIM REVIZIJE



Aktivnosti Ureda za razmatranje žalbi BiH

CILJ REVIZIJE



Utvrditi da li Ured za razmatranje žalbi BiH efikasno preduzima aktivnosti s ciljem poboljšanja kvaliteta pravne zaštite u postupcima javnih nabavki.



ZAKLJUČCI



Ured za razmatranje žalbi BiH nije efikasan u preduzimanju aktivnosti koje doprinose kvalitetnoj pravnoj zaštiti u postupcima javnih nabavki.



Blagovremeno rješavanje žalbi u postupcima javnih nabavki nije uvijek osigurano. Ne preduzimaju se aktivnosti praćenja i izvještavanja o ostvarenim rokovima rješavanja žalbi.



U donošenju odluka po žalbama ne vrše se aktivnosti ujednačavanja postupanja po istim ili sličnim predmetima žalbi, kao ni aktivnosti praćenja i dosljedne primjene sudske prakse.



Transparentnost svih relevantnih podataka iz žalbenih postupaka nije osigurana.

PREPORUKE UREDU ZA RAZMATRANJE ŽALBI BiH



PREPORUKE



U rješavanju žalbi poštovati rokove utvrđene ZJN-om i ZUS-om za predmete žalbi formirane po presudama Suda BiH, te stalno težiti rješavanju žalbi u što kraćim vremenskim rokovima od dana prijema žalbe.



Početi primjenjivati zakonsku obavezu donošenja zaključaka o produžavanju roka rješavanja žalbi od 30 do krajnjih 60 dana od dana prijema žalbe, u zavisnosti od složenosti rješavanja predmeta žalbi, pri čemu treba osigurati da predsjedavajući URŽ-a razmatra opravdanost svakog produžavanja roka rješavanja žalbi.



Osigurati donošenje zaključaka o odbacivanju žalbi zbog neuplaćene naknade za pokretanje žalbenog postupka u što kraćem vremenskom roku, po ispunjenju zakonskih uslova.



Osigurati praćenje, mjerenje i izvještavanje o ostvarenim rokovima rješavanja žalbi u odnosu na rokove utvrđene ZJN-om.



Usvojiti procedure ujednačavanja postupanja i prakse Ureda za razmatranje žalbi BiH u rješavanju žalbi, te osigurati njihovu primjenu.



Osigurati razmatranje odluka Suda BiH između svih članova Ureda za razmatranje žalbi BiH.



U rješavanju žalbi poštovati obaveznost primjene pravnog shvatanja i primjedbi u pogledu postupka utvrđenih u odlukama Suda BiH.



Osigurati usvajanje i javno objavljivanje pravnih shvatanja Ureda za razmatranje žalbi BiH u uslovima promijenjenih okolnosti u rješavanju žalbi.



Osigurati izradu relevantnih analiza, izvještaja i drugog stručnog i analitičkog materijala iz žalbenih postupaka koji će biti javno objavljeni.



Poštovati zakonsku obavezu javnog objavljivanja svih zaključaka i rješenja Ureda za razmatranje žalbi BiH, kao i odluka Suda BiH po njima, na portalu javnih nabavki.